

獲嘉縣志

嘉縣志卷之十二

邑令吳都吳喬齡纂修

循吏

自昔圖治之朝莫不慎簡珪符妙選銅墨良以守令得人則民受其福披古循吏之傳成效可覩也令秩較畧於守而尤近民百里之休戚視其人之賢不賢焉官斯邑者未易更僕數計惟廉能慈惠之長留謳嗟於沒世歆俎豆於千秋下此績無可紀姓名與烟草皆腐矣步厥後塵可勿鏡前修以自勵哉志循吏

隋

獲嘉縣志卷十二  
樂運字承業任獲嘉令以德化民錄夏商以來諫諍事曰  
諫苑以聞上嘉之

唐

李育德趙州人世富於財值天下亂嬰武陟城自保隋亡  
歸李密密爲王世充所破以郡來降即拜陟州刺史代兄  
厚德守殷州引兵拔賊河內堡三十一所世充怒悉銳來  
攻城陷育德猶力戰與三弟皆歿

劉知幾字子彭城人擢進士第調獲嘉主簿武后證聖  
初上書陳得失后嘉之時吏橫酷著思愼賦以刺時蘇味  
道李嶠見而嘆曰陸機豪士之流乎周身之道盡矣累遷

鳳閣舍人兼修國史開元初遷左散騎常侍封居巢縣子  
嘗著史通內外四十九篇譏評今古

杜閑襄陽人學士審言子工部員外郎甫父也開元中爲  
獲嘉令有善政後遷奉天令

按杜集萬年縣君墓誌云曾祖某隋河內郡司功參軍  
獲嘉縣令以世系考之獲嘉令當爲甫之高祖而未書  
其名至閑爲獲嘉令本傳不載姑仍舊志以俟博古者  
考焉

栢造魏州人任獲嘉令死安祿山難

宋

李之才字挺之青州人天聖八年進士爲獲嘉主簿有治行再調孟州司法叅軍友人尹洙因石延年薦於中書舍人葉道卿道卿薦之改大理寺丞爲緱氏令未行會延年與龍圖閣直學士吳遵路調兵河東辟爲澤州判官澤人劉義叟從受歷法轉殿中丞後寶歷五年卒邵雍表其墓曰聞道君子先是之才主獲嘉縣簿時邵雍於蘇門山隱居苦學之才叩門勞苦之雍言簡策之外未有所通之才曰君非述簡策者其聞物理之學乎他日又曰物理通矣不有性命之學乎雍再拜受業其後雍卒以易名世蓋本之才所授云

王維翰字之翰利州龍山人登大定二十八年進士明昌  
甲由永霸令遷獲嘉佐胥持國治河決有勞改北京轉運  
判官歷陞工刑二部尚書拜叅知政事貞祐初罷為定海  
軍節度使元丘至與妻姚氏俱死難

元

阿昔脫憐朔方畏兀部人至元中為獲嘉縣達魯花赤初  
至適歲旱齋戒禱於神祠乃大雨秋多蝗脫憐禱於天蝗  
皆南飛不入境遂大稔至元二十年夏六月雷潦水溢築  
堤障之民免墊溺後遷河南按察司僉事邑人立石以示

去思

陶師淵達魯火赤阿昔脫鄰去思碑阿昔脫鄰諳練民  
事蒞於汲者一朞城者再汲朞耗劇難治故以公明德  
鎮之大官驛使五坊營屯過其境歛縮鉅鍰不敢以州  
縣官待公公廉明端恪務遵憲典故所居稱平至元辛  
巳改治獲呂縣當陝洛要衝藩邸庭覲貢車踐更驛傳  
遞留東西將送供億取給臨時居職者病之公奉上  
有節假貸務均雖倉皇旁午而無違悞之責夏旱露跣糲  
食齋居虔禱雨遂澍秋蜚蝗集境躬率氓伍督捕烈以  
暴風不施障蓋無何蝗去他境歲卒稔癸未夏六月天

作霖雨沁水瀑漲決馬撞口漢堤北田墅悉潢潦沮洳  
縣南東護堤水不浸者板餘民大恐公身先丁夫冒雨  
晝夜周邏增築以免墊溺理廷訟必和色察情詳詰核  
實寃抑漸賴激雪時政務繁殷和鬻顧車交急胥吏夤  
緣肆奸蠹徵索無藝公私任載厲農害商公於是嚴條  
禁明出納慎轉差均賦稅俾不得肆其貪暴疲瘵之餘  
得免橫集漁獵之困且嚴杜請謁謝絕筐篚俸祿外薪  
蒸藹藁毫不下侵家人悞乞假必懲艾無貸自胙而汲  
汲而獲臨民且二十年所守一律他人所難行者獨力  
行之御史中丞也先公常過廉其實薦可清要用職滿

有淮西按察僉事命未下數日卒於衛之僧舍會葬者  
悲慟如喪考妣越明年春二月鄉耆景公等介邑人劉  
瑞教諭王夢弼奉達魯火赤也先伯主簿席榮書馳於  
古肥表謁曰昔公之蒞是邑也息暴捍災被澤於民者  
莫能殫紀雖去官六年身遊經櫜猶談不輟口銘不忘心  
願葺在任政蹟丐文劄石以標去思之情敬藏輿人之  
命載拜為請余曰今之立石暴政德者率下獻譽為干  
請之媒上要譽為陞進之路而能施實惠出真情者無  
幾以愧辭而文偽事不貽指抵仆擊者幸矣今二子不  
憚往還千里追去且沒之阿言公而欲垂諸不朽其誼

不亦偉乎即是而上下之間皆爲可傳可述者乃不辭  
而紀其事且銘之以表鄉國云銘曰金水爲德剛且清  
兮間氣鍾人貞而明兮繁惟牧司字孤惇兮惻惻無華  
芥蒂莫容嬰兮廉節譽馳循吏稱兮直斯朱紱潔斯冰  
兮妍媸靡逃鑑訐形兮虎豹馴惛魑魅警兮早魃驅攘  
息螟螣兮陽侯迴濶大患平兮饕餮屏斥田里寧兮旌  
倪慕戴心骨銘兮絳節淮濱轟震霆兮明德煒煌昭日  
星兮旉幘雖遠又何以存沒而異情兮螭首龜趺遺愛  
旌兮景行不忘永儀型兮魂兮歸來尚有以嗣桐鄉廟  
食於千齡兮

奴丁字德新哈刺魯人爲宛平宰至正十三年春來監斯邑時永濟橋將頽奴丁鳩工修之爲石梁至今民賴以濟明

熊邦基洪武三年任獲嘉令時中原新定城社未立戶口土著不滿百閭井蕭然邦基招集遷民宣上德意商度地勢築城建社與之更始次第創學宮建官署郵傳踰年而役竣無廢一新聿成縣治至今享其成焉

馬守忠陽武人初以秀才釋褐任獲嘉縣丞有治績歷遷知縣同知所至政聲著聞入爲監察御史陞右僉都御史沙鑄江南高郵州人由監生洪武三十二年任獲嘉典史

勸贊勤勞任滿遷兵馬司指揮

孫述順天宛平人由監生宣德十年任獲嘉縣丞廉潔持已惠澤及人陞大僕寺寺丞

陳傑字彥英江南吳縣人永樂中進士釋褐行人尋選刑科給事中性侃直以言事忤旨改令獲嘉爲政不事苛察專持大體更繇征繕稍不急者悉捐之民安俗樂鄉長老經歲不涉縣庭邑遂大治超擢平涼郡守獲民德而祀之薛良字宗順直隸和州人由舉人景泰四年任獲嘉令持已清慎御下嚴明四載以憂去民思之立祠祀焉

邢表字居正順天文安人由進士天順四年任獲嘉令持

身廉謹治政公勤陞彰德府知府尋改衛輝府明敏廉慎  
興學勸農謹河防新傳舍救荒弭盜百廢具舉歷任山東  
叅政布政四川巡撫

段讓字遜之山西洪洞人由舉人天順八年任獲嘉諭刻  
勵進修勤懇造士秩滿陞陝西高陵知縣

鄭福字伯祥真定深州人由監生成化己丑任獲嘉令拜  
命即單車至縣清慎自持興利除弊三年政清刑平考績  
最優將遷去獲民懇留遂久任至八年中丞原公撫秦行  
至金州見其民凋瘵特甚思爲易賢守原嘗撫河南時  
德政遂露章薦爲金州守去後邑民追思之爲勒石

吳裕字天宏京衛人成化辛丑進士明年授獲嘉令爲政  
寬和所注措各中款暇即單車適野勸農課桑獲庠故  
逼西偏規制湫隘日就圯敝形家數言不便科甲裕銳意  
更之出俸金若干佐以贖鍰刻日營建踰年竣事規制一  
新嗣後科甲相仍甲辰歲大暵殣死者載道出所儲粟賑  
之復捐俸爲食於路以食餓者全活萬計縣東西有二直  
橋饑民就食者爲草舍以棲之後漸葺治爲民居至今猶  
稱吳新街以識不忘云

周曉浙江山陰人由貢士嘉靖間任獲庠諭捐俸倡修學

卷十二

張道衡州衛人由進士嘉靖間任獲嘉令興舉廢墜葺理  
雙宮

鄒武齡江南無錫人以貢士任獲庠訓精於載禮生徒受  
業教誨不倦自後獲始有禮經科第繼起

郭鄂陝西涇陽人由舉人隆慶二年署獲庠諭持身課士  
卓有古風造祭器虔祀典行必矩矱教本先程士習爲之  
二變陞國子監助教歷郡守

羅良貴浙江上虞人進士知獲嘉縣涖官勤慎邑務修舉  
遷大理寺正

進士貴州前衛官籍廣東海康人舉人萬歷五年令獲  
愛民禮士去有遺思

張一心字道宗直隸獲鹿人由進士任邑令多善政其大  
者築郭濬隄以防水患嚴捕盜賊民得安枕尤注意學校  
立會課諸生程其藝而差等之久思淬勵造就譽髦極一  
時之盛在任五年以憂去邑人立祠祀之

張諭字蓋明山東滋陽人由鄉薦萬歷丙戌任獲嘉令以  
嚴明飭吏慈愛字民丁亥歲長祿其明解又祿疫死者相  
望諭籍饑民而分貲之金以賑之

韓裕貫履未詳任邑丞歷仁慈見被箠者血肉淋漓輒慰

然不樂曰吾何忍戀一微官飽園肉鼓吹耶未幾解任去  
季年耕杞縣人舉人萬歷二十七年任獲序諭學綜今古  
勵清操擢山西崞縣知縣

馬謖字錫元江南常熟人由舉人萬歷二十九年任獲  
序諭甫至睹賢宇頽敝慨然以修繕爲已任紳士助貲考  
響應新大殿創經閣倫堂門廡煥然改觀置學田以資永  
久馬謖富才學自經史以逮奇編輿帙靡弗搜摭善詩古  
文詞聲儷五子間所著經言枝指有功聖經說諸一書清  
談雅致覽者銀蘇黃小品先是邑志未有成書馬謖力爲  
纂集遂作佳乘轉南京國子監學錄陞兵部司務由員外